

Den carnaval preveni droga y aids

ORANJESTAD(AAN) -- E actividadnan carnavalesco ta ofrece e hubentud Arubano un otro posibilidad pa sali y topa cu amigo y amiganan.

No solamente e hobennan lo disfruta di e actividadnan manera eleccion di reina, Calypso Contest, Tumba Festival etc., pero nan ta haya mas confianza y simpatia pa otro locual hopi vez ta bay den direccion di amistad y hasta enamora.

Kisas pa hopi hobennan e temporada di Carnaval ta un bon ocasion pa sali y topa cu e "guy" of e "chick".

Comision Nacional pa Prevencion di Aids ta haya cu awor ta un bon ocasion pa tanto e mayornan como

educadornan papia un vez mas cu nan yiunan y muestra nan riba e consecuencia cu por tin si nan usa alcohol y/of droga.

Ta un hecho cu mayoria di hende despues di a usa alcohol y/of droga no por rasona bon mas. Cu otro palabra nan ta den un "mood" pa haci cosnan cu normalmente nan lo no a haci.

Uso di droga ta FATAL pa salud di hende. Comision Nacional pa Prevencion di Aids a indica cu awendia tene relacion sexual sin prevencion tambe por conduci na un final amargo.

Cuanto no ta e personanan cu rond mundo ta muri a causa di e malesa Aids.

Aids ta un malesa cu ta ser pasa di un persona pa otro mediante

transfusion di sanger, esta usando angua cu no ta desinfecta manera ta e caso cu drogadictonan. Un otro posibilidad di contagia cu Aids ta door di contacto sexual y un mama contagia cu e virus por pase pa su baby.

Apesar cu na Aruba no conoce hopi persona cu ta inyecta nan mes cu droga, e riesgo tey y tambe ora ta bora buraco den orea sin supervision medico, esta usando anguanan cu otro personanan a usa caba sin desinfecta.

Den region di Caribe y Sur America cifranan di e organizacion mundial di salud ta indica cu e factor relacion sexual ta un gran causante di e malesa Aids.

Esaki no solamente ta cay bao homosexualnan pero tambe cerca esnan kendenan ta mantene relacion cu diferente partner sin tuma e medidanan di prevencion.

Pesey e unico bon conseho cu Comision Nacional pa Prevencion di Aids por duna tur hende awendia, tanto homber como muher, hoben y adulto ta pa usa condom.

Comision Nacional pa Prevencion di Aids lo publica regularmente informacionnan encuanto e malesa Aids y lo pone hopi enfasis riba prevencion.

Comision Nacional a ricibi hopi bon cooperacion di Cruz Cora Aruba cu lo yuda durante e paradanan di carnaval pa

duna informacion na esnan interesa.

Na e postnan di Cruz Cora publico por haya material cu informacion encuanto e malesa Aids y con pa preveni e malesa fatal aki.

Lo tin "free-tickets" disponible cu informacion di uso di condom. E comision a ricibi diferente material di informacion for Hulanda y lo pone tur e materialnan aki na disposcion di e comunidad Aruba.

**NUMBER
DI FAX**

28551

A CABA DI LLEGA SORTIDO NOBO Y GRANDI DI SANITARIO
wasbak/ zuil/ duo blok/ armatuur/ badkuip/ banjo completo.

**15 %
off**

**15 %
off**

**Amc.
Unicon**

TOMATENSTRAAT Z/N

**15 %
off**

Sphinx